

სურვილი, განწყობილება და შედეგი

ვილნიუსი. რესპუბლიკური სტადიონი. 24 მაისი. 13 500 მაყურებელი.

“უალგირისი” (ვილნიური) – “დინამო” (თბილისი) 1:1.

“უალგირისი”: ცერკუსი, ტურსკისი, ბარანაუსკასი, ბუმბაკოვი, რასიუკასი, კასპარავიჩუსი, დანისიავიჩუსი, მაცკიავიჩუსი, იაკუბაუსკასი, მალკიავიჩუსი, იანონისი.

“დინამო”: აბუსერიძე, მიქაბერიძე, ჩივაძე, ჰაიკიძე, არზიანი, კაკილაშვილი, სვანაძე, სულაქველიძე, ჟორჟიკაშვილი, ცაავა, შენგელია.

55–ე წთ. დანისიავიჩუსი, 66–ე წთ. სულაქველიძე.

35–ე წთ. ცაავას ნაცვლად – გურული, 46–ე წთ. სვანაძის ნაცვლად – სიჭინავა, 69–ე წთ. მალკიავიჩუსის ნაცვლად – ტამულიავიჩუსი.

მსაჯი: იური სერგეიენკო (ხარკოვი).

გააფრთხილეს სულაქველიძე.

კარში დარტყმა – 11:7 (7:2), ზუსტი დარტყმა – 3:2 (2:2), საჯარიმო მოედნიდან – 6:3 (2:1).

კუთხური – 5:1 (3:0).

დაჯარიმდნენ: ვილნიუსელები – 7 (2), თბილისელები – 13 (9).

მატჩის შემდეგ “უალგირისის” უფროსმა მწვრთნელმა ალგირდას ლიუბინსკასმა თავისი ფეხბურთელების გვარების გასწვრივ ტრადიციულად ჩამოამწკრივა ნიშნები. იაკუბაუსკასის “ორიანი” და იურკუსის “ხუთიანი” ასე თუ ისე გასაგები იყო – ლიტველთა ფორვარდმა ვერაფერი გააწყო ჰაიკიძის წინააღმდეგ, ხოლო მეკარემ, მწვრთნელის აზრით, უშეცდომო თამაშის წყალობით სავსებით დაიმსახურა ფრიალი. მეორე ორიანი კი განმარტებას მოითხოვდა.

– მაინც რა დააშავა ასეთი რასიუკასმა?

– სტანდარტული სიტუაციიდან სულაქველიძეს კარში ზუსტად დარტყმის საშუალება მისცა.

– კი, მაგრამ, ერთი შეცდომისათვის?

– სამაგიეროდ ისეთისთვის, რომ გოლად დაგვიტდა.

– ამგვარი პედაგოგიკური პრინციპების მართებულობა განსასჯელად მეტოქეებს დაუტოვოთ, ჩვენ კი ის ვთქვათ, რომ სულაქველიძემ “უალგირისთან” შეხვედრაში თავისი თამაშით ნამდვილად დაიმსახურა ის გოლი.

მაგრამ მოვეყვით თავიდან.

“შახტიორთან” ძალზე მძიმე მატჩის შემდეგ მეტოქის მინდორზე ორი ან თუნდაც ერთი ქულის მოპოვება ბევრად იყო დამოკიდებული დინამოელთა მატჩისწინა განწყობილებაზე. იმავე “შახტიორთან” მატჩის ანგარიშში ვთქვით, რომ გუნდმა როგორღაც მოახერხა თავი დაეღწია ქულების დაკარგვის ფსიქოლოგიური შიშისთვის, რასაც, ბუნებრივია, შემდეგ მატჩებშივე უნდა ეჩინა თავი. არ ვიცი, რამდენად გამართლებულია ამგვარ წერილმანებზე წერა, მაგრამ მაინც უნდა ითქვას: დილის დახურვაზევე (უკანასკნელი ვარჯიში კი გუნდის განწყობილების სარკეა) იგრძნობოდა და მერე ვერც ამინდის გაფუჭებამ გააქარწყლა ეს შთაბეჭდილება – გუნდი მზად იყო კიდევ ერთი ფსიქოლოგიური ბარიერის დასაძლევად, მეტოქის მინდორზე გამარჯვებისთვის.

რა თქმა უნდა, სურვილი, განწყობა და შედეგი მუდამ ვერ თავსდება ერთ ქარგაში, მაგრამ მთლიანად თამაშმა, განსაკუთრებით კი მეორე ტაიმი, ცხადყო, რომ ორი ქელის მოპოვება ნამდვილად შეიძლებოდა. აქ, სანამ მატჩის მოყოლას შევუდგებოდე, კიდევ ერთხელ უნდა აღვნიშნო, რომ “დინამომ” სწორედ მეორე ტაიმი ითამაშა კარგად.

შეხვედრის პირველი 15 წუთი მეტოქეებმა ერთიმეორის დაზვერვას მონაწილეობეს. ბურთი ერთთავად მინდვრის ცენტრში ტრიალებდა. პირველი ჩხვლეტა მაინც მასპინძლებმა დაასწრეს სტუმრებს. მე-19 წუთზე მცველი ტურსკისი მარცხენა ფლანგიდან შეიჭრა თბილისელთა საჯარიმოში და ბურთი კარის გასწვრივ ჩააწოდა. სამი წუთის შემდეგ ურტყამს მალკიავიჩუსი. ესეც გოლის გატანის პირველი ცდაა. “ჟალგირისი” იერიშს აგრძელებს. შეტევებში აქტურად მონაწილეობენ მცველები იანონისი და ბუმბაკოვი. ერთ-ერთი ასეთი შეტევა, მერე კი ბუმბაკოვის ძლიერი და ზუსტი დარტყმა თავით მოიგერია ჩივაძემ.

თბილისელებმა თანდათან გაანელეს მეტოქის იერიშები და თვითონ გადავიდნენ შეტევაზე. შენგელია-ცაავას კომბინაცია სულ იოლად შეიძლებოდა გოლით დასრულებულიყო. და თუმცა აშკარა საგოლე მომენტები არც ერთ გუნდს არ ჰქონია, პირველ ტაიმში მასპინძლებმა მაინც უკეთესი შთაბეჭდილება დატოვეს.

მეორე ტაიმის დასაწყისში მეტოქეებმა ორ-ორჯერ მოსინჯეს ერთმანეთი.

55-ე წუთი. საკუთარ საჯარიმოში მონინაალმდეგესთან ორთაბრძოლაში მიქაბერიძემ ვერ მოზომა და “ჟალგირისის” ფეხბურთელი წააქცია. პენალტი ზუსტად დაარტყა დანისიავიჩუსმა. აქვე მინდა საყვედური ვთქვა თბილისელთა მისამართით: ალბათ სულაც არ იყო აუცილებელი გოლის გაშვება, რომ გუნდი ბოლოს და ბოლოს ნამდვილ იერიშზე გადასულიყო. მოვლენათა მსვლელობამ ცხადყო, რომ საამისო ძალა “დინამოს” საკმარისზე მეტი ჰქონდა.

მე-60 წუთი. “ჟალგირისი” ხელოვნური თამაშგარე მდგომარეობის შექმნას ცდილობს. ამ მცდელობაში არზიანი მეკარესთან პირისპირ აღმოჩნდა. საბოლოო დარტყმა უზუსტო გამოდგა.

65-ე წუთი. შორიდან ძალზე ძლიერად ურტყამს თბილისელთა კაპიტანი. იურკუს მთელი თავისი ოსტატობის ჩვენება უხდება.

66-ე წუთი. კუთხური “ჟალგირისის” კართან. ჟორჟიკაშვილის ჩამონოდებულ ბურთს ძლიერი დარტყმით ზუსტი მისამართი მოუძებნა სულაქველიძემ – 1:1.

74-ე წუთი. კომბინაცია მიქაბერიძე-გურული-ჟორჟიკაშვილი. ბურთი ასცდა კარს. წუთის შემდეგ “ჟალგირისის” მცველებმა საჯარიმოში წააქციეს შენგელია. მე-80 წუთზე “დინამოს” იერიშის დროს ლიტველთა კარი გოლკიპერის გარეშე დარჩა – ჟორჟიკაშვილის დარტყმა ასცდა მიზანს.

კაკილაშვილი-გურულის კომბინაცია. თბილისელი ფორვარდის თავური დარტყმა.

85-ე წუთი. ჩივაძე-არზიანი. მცველები იგერიებენ შეტევას და ახლა ჟორჟიკაშვილი ურტყამს...

ერთი სიტყვით, “დინამოს” გადამწყვეტი ბურთის გასატანად საკმაოდ ჰქონდა დროცა და სიტუაციებიც...

და ბოლოს. საუცხოოდ ითამაშეს მთელი მატჩის მანძილზე ჩივაძემ, სულაქველიძემ და ჰაიკიძემ. თანდათან შედიან სპორტულ ფორმაში კაკილაშვილი და აბუსერიძე.

ირაკლი ბერიაშვილი (“ლელოს” სპეც. კორ.).

ვილნიუსი–თბილისი.

“ლელო”, 26 მაისი, 1984 წ.